

**Raajat akitsuuserneri pillugit Inatsisartut inatsissaata allangorneqarnissaanit
Inatsisartut inatsisissaanut siunnersuut.**
(aningaasaqarnermut Naalakkersuisoq)

Saqqumiussinermi ilisimatitsissut

Siullermeerlugu oqaluuserineqarnera

Naalakkersuisut siunnerlugit matumuuna raajaanut akitsuutit pillugit Inatsisartut inatsissaata allannguutissaatut siunnersuut saqqiummiuppara.

Ullumikkut raajat tuniarneqarnerminni akiat tunngavigalugu akitsuutaat naatsorsorneqarpoq. Uvani pineqartoq tassaavoq raajat tuniarneqarneranni akigititaq pisisup nioqputiginnittullu akornanni isumaqatigiissutaasoq, nioqputiginninnermi aningaasartuutaasinnaasut soorlu assartuinnermut aningaasartuutit taakkulu assigisaat ilanngaatigeqqaarnagit. Taammaammat akitsuutip annertussusianut pingaaruteqarluinnarpoq assartuinnermut aningaasartuutit raajanut akigitinneqartussap aalajangerneranut ilaatinneqarnerisut imaluunnit ilaatinneqannginnerisut.

Tuniniaasartut assigiinngitsunik niueriaaseqarnerisa, tuniaasartut siunertarineqanngitsunik assigiinngitsunik akitsuutinut akiliuteqartarnerannik kinguneqartoq Naalakkersuisunit ilisimaerineqarpoq.

Tuniniaasartut ameralsuut assartuinnermut aningaasartuutit raajat nioqputigineqarnerini akiligitinneqartumut ilaatittarpaat allalli taammaaliorneq ajorlutik. Tamatumalu kingunerisarpaa ataasiakkaat tunisinnermi akigitinneqartoq minnerusoq pissarsiarisarlugu, tamatumalu nassatarisaanik akitsuuseriaatsip aaqqissugaanerata malittarisaanik annikkinnerusumik akitsuutinut akiliuteqartarlutik.

Tuniniaasartut akornanni assigiinnerusumik akitsuutinut akiliisoqartarnissaa siunertaralugu, akitsuutit naatsorsorneqartarneranni tunngavigineqartartut naatsorsueriaatsimik nutaamik atuutsilernikkut allannguiffigineqarnissaat siunnersuutigineqarpoq taamaalilluni tuniniaasartut nioqquteqarnermi assartuinnermut aningaasartuutit raajat tunineqarnerminni akiinut ilatitsinngitsunut atuuttussamik.

Akitsuusiineq atuuteersutut naatsorsorneqartassooq, kisiannili allaassutigissallugu akitsuusiinnermut ullumikkut killigititaasumiit appasinnerulluni raajanut nioqputigineqartunut akigitinneqartoq kilumut 10,70 koruuniulluni.

Naggataatigut, inatsisissamut siunnersuut, inatsimmut oqaaseqaatit innersuutigissuakka.

Taamatut oqaaseqarlunga Naalakkersuisut sinnerlugit inatsisissatut siunnersuut Inatsisartunit oqaluuserisassangortippara, Akileraarusernermut Akitsuuserinermullu ataatsimiisitaliami oqaluuserineqareerpat, aappassaanneerlugu Inatsisartuni oqaluuserinissaanut ilangatillugu.